

社320
83
部二



八旗通志初集卷之五十四

典禮志五

八旗賞賚下

特恩賞賚
殿工賞賚
宗室賞賚

謁陵賞賚
進貢賞賚



天聰七年春正月甲辰。滿洲八旗。蒙古二旗。舊漢兵一旗。各牛象章京等。歷任年久無過者。各

依品級

賞緞有差。歷任雖久。有過者不具。

右

太宗實錄

順治二年五月丁亥

賜和碩親王以下。甲喇章京以上。固倫公主以下。多羅格格以上。及內三院。六部。錦衣衛。都察院。理藩院。各衙門。冰著爲例。

十四年八月丁酉。

上發帑銀四萬兩。給八旗貧丁。

右俱

世祖實錄

順治十八年。

詔。滿洲兵丁。處處戰攻。被傷不能披甲。年老閒住者。俱

加恩賞。

康熙六十年同。

又題准。八旗兵丁。年老有疾退甲者。若其家無

披甲當差之人。准月支米一斛。

康熙六年。

詔。滿洲兵丁。原係披甲効力行間。有帶傷殘廢閒住。及

疾病年老閒住者。著察加恩賜。

康熙十年。二十年。三十六年。五十二年。並同。

又

詔。滿洲兵丁。披甲隨征。多年効力。被傷不能披甲。及年

老有疾退閒者。俱酌給賞賚。

康熙九年。二十七年。五十七年。並同。

又

詔。滿洲蒙古漢軍兵丁。處處征戰勞苦。該部通行賞賚。

康熙二十年同。

右俱會典

康熙九年三月辛未。

諭戶部。十庫所有舊物。與其虛置於此。何如分賜旗下

貧丁。爾部卽偕工部。察有當給與者。集議以聞。尋戶

工二部議覆。

上命發庫內木棉絲布茶鹽衣服弓矢等物。令都統等

酌給各佐領下護軍。撥什庫及甲兵之貧者。

聖祖實錄 右

康熙十一年題准。前鋒護軍領催兵丁陣亡。并

被傷身故者。其妻子支給餉銀餉米。

二十年。

詔。八旗効力行間。年老辭職官員。已得半俸外。其勞績

茂著。多有功牌。未得半俸者。及年尙未老。傷廢辭職

官員內。勞績多著。應得半俸者。該都統詳查保送。著

該部題請。年尙未老。傷殘辭職官員。及傷廢退甲兵

丁。酌給錢糧米石。康熙三十年同。

二十六年。

詔。八旗兵丁。爲國効力。勤勞有年。雖支給銀米。養贍家

口。恐尙有貧乏不足者。亦未可定。俱應槩加恩恤。作

何賞賚。該部確議具奏。遵

旨議定。另戶出征前鋒護軍領催。各給銀四兩。馬甲各給銀三兩。

二十九年議准。京城八旗貧員。披甲人等家口。自本年二月起。至七月止。每名口計六箇月給米一倉石。

又覆准。駐防順義等縣貧員。及窮披甲人等家口。於五月起。至十月止。每名口計六箇月給米一倉石。

又

諭盛京兵丁。全恃南畝耕獲。及月給糧餉。以爲資生之計。昨歲盛京禾稼不登。貧困兵丁。艱於粒食。曾以所有屯糧。頒發賑救。頃值軍興。遣一等侍衛往調盛京兵丁。隨發諭旨。令無馬匹者。給以官厰馬匹。無行糧者。給以庄屯糧米。而官兵因踴躍過往。倉猝之際。置辦一切軍裝。遂支領明年二月分應給俸餉。又預支五箇月錢糧。刻期進發。比厄魯特敗遁。盛京官兵。雖未經接戰。而奮勇敢愾。深可嘉悅。今若將預支俸餉。復行抵扣。則貧乏兵丁。必致生計艱窘。朕心深切憫惻。所預支明年二月分應支俸餉。及增給五箇月錢

八旗通志 卷五十四
糧著免抵扣。仍照常支給俸餉。以示朕愛養將士。軫恤疾苦至意。

右俱會典

康熙三十年二月初七日。

諭大學士伊桑阿。阿蘭泰。兵部尙書馬奇。學士邁圖。西安博濟。南塔海。八旗滿洲蒙古漢軍。以至內府佐領。其護軍校。驍騎校。小撥什庫。護軍。及另戶披甲。孤子寡婦之家。僕披甲者。所借債負本銀。所賣餉銀糧米。俱令清查實數。察核時。若本無債負。而假爲稱貸。取與本未賣餉銀糧米。而假爲買賣。互相造謀虛誑。作証。將詐僞及妄保之人。卽行正法。斷不姑貸也。

三十年二月十二日。

諭大學士伊桑阿。阿蘭泰。八旗中貧乏之人。令清察其債負。此事情前降諭旨甚明。若稽遲時日。必致弊端叢生。令迅速察奏。內府佐領。令各都統詳悉嚴察。

三十年二月十六日。

諭大學士伊桑阿。阿蘭泰。學士邁圖。西安博濟。南塔海。傅繼祖。八旗兵丁。債負償還之後。若又有遇不得已之事。必需稱貸者。向部借貸。則事體煩擾。應於各旗派出部院堂官。與該都統。及副都統。公同酌視其所

遭之事。以官銀借貸。逐月於錢糧扣除。如此則兵丁斷不致困乏。每月餉銀糧米。得以自贍。而不致有稱貸之苦。將永永裨益矣。應派堂官。戶部列名具奏。

御製文集
右俱

三十六年。

詔。三次出征官員兵丁。及西路進勦官員兵丁。所借官庫銀兩。未經賠償者。俱免追取。其未出征兵丁。有將本身所養馬匹。送至軍前倒斃者。各賞銀二十兩。在京滿洲蒙古漢軍馬步兵丁。俱加恩賜。出征病故兵丁。俱有恩恤。其出征病故。閒散三品以下官員。亦准槩行恩恤。

四十二年。

恩詔。守

陵寢官兵。宜加恩賜。著議奏。兵丁宜加恩賜。著議奏。滿洲兵丁。原係披甲効力行間。有帶傷殘廢閒住。及疾病閒住年老者。著察加恩賜。年尙未老。傷殘辭職官員。及傷廢退甲兵丁。酌給錢糧米石。遵

旨議定。八旗步軍領催披甲。

內廷執事人等。俱照三十六年

恩詔。槩行賞賜錢糧一月。三月十八日以後。從閒散挑

取步軍領催披甲。

內廷執事人等。停其賞賜。其有帶傷殘廢。及疾病年老閒住兵丁。亦照三十六年

恩詔賞賜。三十六年。每名賞賜。或絹。或生綾一疋。綿紬一疋。白布三疋。今將每綾絹綿紬折估三梭布五疋。共賞賜三梭布十疋。白布三疋。至年尙未老傷廢辭職官員。每月給錢糧銀二兩。照馬兵支給。傷廢退甲護軍兵丁人等。每月給錢糧銀一兩。每年米十二斛。至守

陵兵丁執事人行文

盛京戶部等處查明。槩行賞賜。

右俱會典

康熙四十四年八月初五日。

諭戶部。每佐領下。未還所領官銀一千兩。若令一百箇月完結。爲日甚久。兵丁錢糧艱窘。此項銀兩。著將官庫息銀補還。免於各佐領下扣除。用寬八旗甲兵之力。

四十五年十一月十九日。

諭戶部。朕念八旗禁旅。爲國家根本所繫。時厯加恩愛養。用俾生計充盈。或動支公帑數百萬。代清積逋。或

於各旗設立官庫。資濟匱絀。所以爲衆甲兵籌畫者甚切。康熙四十二年。又曾頒發帑金。貸給八旗兵丁。共六百五十五萬兩有奇。至四十五年冬。除陸續扣完外。尙未完銀三百九十五萬六千六百兩有奇。若仍行按月扣取。恐各兵營辦器用。贍養室家。必有物力不支之慮。朕每懷及此。深切軫惻。茲特大沛恩施。式弘撫育。將未經扣取銀兩。通行豁免。爾部卽傳八旗都統等。出示徧諭。俾咸知朕優恤禁旅至意。特諭。

御製文集

右俱

康熙四十六年覆准。京口駐防兵丁。撥江蘇藩

庫銀四萬五千兩借給。資其生理。按月一分起息。

五十二年遵奉

恩詔議定。

陵寢兵丁執事人等。俱賞給半年錢糧。其年尙未老廢官。及退甲兵丁。俱照四十二年賞給。其遇四十二年

恩詔。已得錢糧米石者。停其給發。仍酌伊等所食錢糧。

照兵丁執事人等賞給半年。其年老兵丁。亦照四十二年賞給。

諭。右衛西安官兵。現在出兵前去。將出兵去之兵丁。借過公庫銀兩。暫行停其坐扣。俟事竣之日奏聞。

五十八年覆准。京口駐防兵丁借帑銀。自四十六年秋季起。至五十七年歲底。際本銀四萬五千兩外。共得利九萬一千七十兩零。將此利銀九萬兩。作為帑本。仍留京口借給兵丁。以五釐起息。其餘銀一千七十兩零解部。仍將每年應扣利銀。按年起解。
六十一年十一月二十日。

詔。八旗滿洲蒙古漢軍護軍披甲人。礮手步軍。各賞一月錢糧。八旗出征滿洲蒙古漢軍兵丁。効力行間。勞苦堪憫。所借銀兩。盡與豁免。

雍正元年。
詔。出征大臣官員等。久在行間。防守地方。効力甚屬勞苦。自將軍以下。至官員等。著賞給半年俸。

右俱會典

雍正元年四月二十九日。

上諭。鑲黃旗。派嘉郡王馬武。孫查齊。正黃旗。派簡親王。松柱。紀當阿。正白旗。派顯親王。阿爾松。阿。徐元夢。正

八旗通志 卷五十四
紅旗派康親王。馬爾薩。佛格。鑲紅旗派莊親王。阿布
蘭。阿錫鼐。正藍旗派廉親王。舒魯孫柱。鑲藍旗派誠
親王。鄂倫岱。伊都立。鑲白旗派裕親王。普照。白潢。包
衣三旗派恒親王。滿都護。巴泰。著此九王。各領內庫
銀十萬兩。交伊等屬下。顧惜廉恥堪用之人。令其經
營。其作何貿易。及如何經營生息。併交與何人辦理
之處。會同派出大臣。悉心商酌。倘王有被所屬欺瞞。
虧折本銀者。大臣等卽行陳奏。其借出銀兩。於本年
八月內爲始。以一分計息。將所得利銀。交納內庫。若
於一分之外。有贏餘者。將贏餘之銀。給與王等使用。
若利息不及一分。卽將伊等俸銀坐扣。或王等將此
銀妄費。或那移使用。其議處必且及於王爵。至於利
銀。或每月交納。或按季交納之處。著伊等會同定議。
將一年所收各旗利息。另註檔案。以備各旗下人有
喜喪等事。作何恩施。俾得永遠均沾之處。著都統等
詳議具奏。如有冒領那移等弊。相應如何治罪。一併
議奏。特諭。

八旗都統等議覆。仰惟我

聖主。厯念八旗兵丁。戶口漸繁。凡有稍關生計之處。皆

經

人地通志 卷五十四
睿慮區畫周詳備至。又

念伊等遇有婚喪之事。恐至匱乏。

特沛恩施。俾得永遠均沾。誠屬無疆。

渥澤。臣等欽遵。

上諭。議得八旗護軍校驍騎校前鋒護軍領催等喜事。擬給銀十兩。喪事二十兩。馬甲等喜事擬六兩。喪事十二兩。步兵及食一兩錢糧執事人等喜事擬四兩。喪事八兩。其喪事如親祖祖母父母及妻室。方准給與。若勾子孫多人者。但視其應得之一人給與。至兵丁等病故或其子幼小。或

無子嗣。卽視其本身所應得者給與。嫁女之家。給與其父。如其父不在。或叔或兄有經營其事者。卽視經營之人給與。娶妻則視本身差使。如係閒身。亦照嫁女例。視其父及經營其事之人給與。至戶下馬甲人等。不准給與。凡遇婚喪等事。令叅領以下。至各族長。查明具保。該旗都統咨行內務府領取。如有虛冒等弊。或經查出。或被首告。將具保人員。交部重處。其冒領之人。併其一族人等。永不准沾此。

恩施。或族人。有舉首者。免其干連。自今年九月起施行。

奏入奉

旨。爾等所議。有自今年九月爲始等語。但此項銀兩。甫交王等。遽行賜給。恐其轉至間斷。應再遲數月。俟其生息滋多。以明年正月爲始。至給四兩八兩人等。再量增其數給與。亦無不可。

右

上諭旗務議覆

雍正二年二月初八日。八旗大臣等。以賞給護軍校。驍騎校。及兵丁等。喜喪銀兩事。會議具奏。奉

上諭。膳房茶房執事人等。甚屬緊要。其侍衛著照護軍校驍騎校例。其執事人。著照護軍前鋒例。遇有喜喪之事。給與恩賞銀兩。再此項銀兩。若於五日一次支領。恐貧乏兵丁。其喜事尙可稍待。若遇喪事。必致窘迫。著八旗滿洲蒙古都統等。合支銀五百兩。存貯印房。一遇有事。卽行給發。其事件緣由。及所給銀兩數目。於月底造具清冊。交內務府彙算。其一月內所餘銀兩若干。於下月支領之時。找足五百兩之數存貯。特諭。

上諭八旗

右

雍正三年五月十六日。

上諭。所給八旗恩賞銀兩。或有一旗不給與官員之子弟。或有一旗又給與者。夫推恩賞賜。理當畫一。卽如貧乏筆帖式等。以其爲部院官員。不令給與。似屬難行。此必八旗大臣。恐銀兩不敷。故行節省耳。大約每旗一月。不令過一千一二百兩。則銀可足用矣。著八旗大臣。將此詳悉畫一議奏。再所交取租之官房。特欲令貧乏無房之人。得以輕租賃住。而受其益耳。今聞自有房屋之人。將伊之房屋重價出租。却用賤價租取官房居住。此豈可行者乎。將官房交與旗下取租。以充公用。且使貧乏無房之人。得以賤價居住。蓋

欲二者均有裨益也。將此查明。必實係無房貧乏之人。方准其租住。特諭。

八旗大臣等議覆。查八旗

恩賞銀兩。有給與官員子弟者。有不給與者。今我皇上洞鑒其情。

諭令務使一體均沾。臣等欽遵

上諭。會議得護軍校。驍騎校。看守城門官。渡等員。並部

院衙門筆帖式。前鋒護軍。及另戶領催。馬甲。執事人等。令八旗將

恩賞銀兩。一體給與。再查從前有滿洲蒙古二旗。一月

合領五六百兩銀者。有一月合領一千一二百兩者。今併所增添貧乏官員之子弟。與筆帖式等。合計每月所需銀兩之數。亦不過一千一二百兩。再交與旗下之官房。理宜租與無房貧乏之人。令其居住。但不肖之徒。自將房屋重價出租。而以賤價租官房居住者。實有其人。臣等將此查明逐出。視實係無房貧乏者。令其居住可也。

奏入奉

旨依議

諭旗務議覆

雍正三年七月二十六日奉

上諭。今年雨水過多。人家屋漏墻垣倒塌。貧乏兵丁不能修葺。朕深加憐念。所宜特沛恩施。務令咸得安居。著發戶部庫帑九萬兩。賞與八旗。每旗一萬兩。上三旗之包衣佐領一萬兩。俾貧乏兵丁修理房屋。得有裨益。明日傳集八旗都統。前鋒統領。護軍統領。副都統。內務府總管等。將作何賞給之處。令伊等請旨具奏。特諭。

五年三月初六日奉

上諭。兵丁等喜喪之事。俱已加恩賞給銀兩。看來大臣官員內。有家貲饒裕者。亦有家計艱窘者。其於喜事。尚可。若遇喪事。倉猝之間。必致窘迫無措。嗣後大臣官員內。若遇喪事。有情願借銀者。著戶部借給四箇月俸祿。至下季扣除。若於未及扣除之前。有緣事革職者。除世襲官員外。仍令其賠補。如病故者。著卽賞給。免令賠補。其行取戶部庫銀。恐一時不能卽得。先將旗下恩賞兵丁銀兩給與。再行取戶部庫銀墊補。特諭。

五年七月十九日。辦理旗務王大臣等奉

上諭。邇來頻雨。想八旗兵丁之房屋墻垣。必有倒塌者。爾等將戶部庫銀賞給。滿洲旗下。每佐領一百兩。蒙古漢軍人數較少。蒙古旗下。每佐領七十兩。漢軍旗下。每佐領五十兩。上三旗包衣佐領。渾托和及五旗諸王之包衣佐領。俱照滿洲旗下賞給。諸王之渾托和。下人等。不必賞給。將所賞銀兩。交與各該佐領。查屋垣倒塌。應賞者。賞之。如該佐領下無屋垣倒塌者。卽均勻賞給。

右俱

上諭八旗

雍正五年。

諭。出征兵丁所借銀兩。朕已加恩盡行豁免。其官員等所借俸銀。從前所以未曾降旨豁免者。原有深意。蓋官員本與兵丁不同。若與兵丁一體豁免。恐將來遇有差遣之時。本人不便借支。而該管官亦不便借與。緩急之際。轉無所資藉。是以朕之未曾降旨豁免者。正所以加恩於出征之官員也。但已經休致及亡故之人。本身已無可扣除。於其子孫俸餉內扣還。朕心不忍。除有罪革職人員外。著加恩全行豁免。其外委之員。本無俸祿。可以指借。當時何以借與。本人著照兵丁例豁免。查明將錢糧市恩原借給之將軍大臣追補。凡滿洲蒙古漢軍綠旗各處出征之官員。悉照此旨行。

又議分給奉天寧古塔黑龍江三處將軍養廉銀兩。奉

旨。此等養廉之項。應動用贏餘銀兩。著將長蘆鹽課贏餘銀兩內。動用六千兩。給與三處將軍分用。朕思在京城旗下大人。及有執掌之官員。亦當酌與養廉之資。著將兩浙鹽課贏餘銀。動用一萬兩。給與兩翼前鋒統領。護軍統領。前鋒叅領。護軍叅領。前鋒侍衛等官分用。再將兩淮鹽課贏餘銀。動用二萬四千兩。給

與八旗都統以下叅領等官分用。

右俱會典

以上俱

特恩賞賚

康熙十年。

聖祖仁皇帝躬謁

福陵

昭陵賞賜。

扈從前鋒護軍領催銀七兩。馬兵六兩。步兵三兩。老疾退甲閒住者給綾絹二疋。布四疋。守

陵及

盛京

興京居住領催等銀各二十五兩。兵丁人等各二十兩。或十五兩。或十兩有差。其老疾被傷退甲人等。各二十五兩。廣寧。牛莊。鳳凰城。蓋州。

東京。五城居住領催銀各二十五兩。筆帖式。兵丁各二十兩。二十一年。

聖祖仁皇帝躬謁

永陵

福陵

昭陵賞賜。

永陵

與京官員兵丁。及

福陵

昭陵

盛京錦州鳳凰城山海關等十城官員兵丁。賞給袍服緞疋冠帶弓箭撒袋銀兩。各有差。

右俱會典

以上俱謁

陵賞賚

順治十三年。

乾清宮大工告成賞賜。

內宮督催官員。並在司官員。給一拖沙喇哈番。工部尙書。加太子太保。侍郎等。加尙書。執事大臣官員。賞給備鞍馬匹。散馬緞疋。銀兩。匠役人等。賞給銀兩布疋有差。

康熙九年。修

太和殿

乾清宮告成賞賜。

親王。緞六十疋。

郡王。緞五十疋。

貝勒。緞三十五疋。

貝子。緞二十五疋。

鎮國公。輔國公。緞十五疋。

固倫公主。緞二十五疋。

和碩公主。緞十五疋。

郡主。緞十二疋。

縣主。緞九疋。

郡君。緞七疋。

縣君。緞五疋。

鄉君。緞三疋。

公主。額駙。民公。緞十疋。郡主。額駙。侯。緞九疋。伯。

緞八疋。內大臣。都統。精奇尼哈番。滿一品官。緞

六疋。副都統。護軍統領。阿思哈尼哈番。滿二品

官。緞五疋。一等侍衛。護衛。叅領。阿達哈。哈番。滿

三品官。緞四疋。二等侍衛。護衛。佐領。拜他喇布

勒哈番。滿四品官。緞三疋。三等侍衛。護衛。拖沙

喇哈番。滿五品官。緞二疋。綾一疋。護軍校。驍騎

校。滿六品官。緞一疋。紡絲一疋。滿七品官。閃緞

一疋。紡絲一疋。滿八品官素緞一疋。紬一疋。滿九品官彭緞一疋。紬一疋。在京護軍領催銀四兩。馬兵三兩。步兵領催布四疋。步兵布三疋。滿洲休致官員照所支半俸品級給賞。滿洲老疾退甲者給絹一疋。綿紬一疋。布三疋。督催監造成工大臣官員賞給備鞍馬匹散馬緞疋。匠役等賞給銀兩布疋有差。

三十七年。

太和殿告成賞賜。

親王緞六十疋。

世子緞五十五疋。

郡王緞五十疋。

貝勒緞三十五疋。

貝子緞二十五疋。

鎮國公輔國公緞十五疋。

固倫公主緞二十疋。

和碩公主緞十五疋。

郡主緞十二疋。

縣主緞九疋。

郡君緞七疋。

八旗通志 卷五十四
縣君緞五疋。

和碩公主額駙民公緞十疋。郡主額駙侯緞九疋。伯緞八疋。鎮國將軍食一品俸大學士尚書都統內大臣精奇尼哈番滿一品官緞六疋。輔國將軍大學士部院尚書都御史護軍統領前鋒統領副都統阿思哈尼哈番滿二品官緞五疋。奉國將軍部院侍郎副都御史一等侍衛參領阿達哈哈番滿三品官緞四疋。奉恩將軍二等侍衛佐領拜他喇布勒哈番滿四品官緞三疋。三等侍衛拖沙喇哈番滿五品官緞三疋。驍

騎校護軍校滿六品官緞二疋。滿七品官緞二疋。滿八品官緞二疋。九品官緞二疋。內外年老原品休致各照品級賞給有差其在工大臣官員照康熙九年之例賞給。

右俱會典

以上俱

殿工賞賚

凡歸化城都統副都統等四季進貢來京崇德三年定每日給羊一隻酒一瓶燈油三鍾併鹽。回時給路費羊一隻順治元年定都統每日給

羊一隻。酒一瓶。茶一包。牛乳一錠。酥油二兩。燈油一鍾。鹽一兩。回時給路費。羊二隻。每日鹽一兩。副都統每日給羊一隻。酒一瓶。茶一包。麵一兩。酥油二兩。燈油一鍾。鹽一兩。回時給路費。羊二隻。每日鹽一兩。參領佐領每日給羊一隻。酒一瓶。茶一包。麵一兩。回時給路費。羊一隻。其領催頭目每日各給肉二觔。鹽一兩。每二日肉一盤。酒一壺。回時給路費。每日肉一觔。兵丁從役每日各給肉一觔。鹽一兩。回時每日各給鹽一兩。

凡

盛京寧古塔等處人員來京。順治三年定。民公侯伯每日給鵝一隻。雞二隻。肉八觔。魚三尾。一品官給鵝一隻。肉六觔。雞一隻。魚二尾。二品官給鵝一隻。肉五觔。雞一隻。魚一尾。三品官每二日給鵝一隻。每日肉四觔。雞一隻。四品官每日雞一隻。肉三觔。五品官每日肉三觔。六品七品官每日肉二觔。無頂帶之人每日給鹽一兩。康熙元年議准。民公侯伯每日鵝一隻。雞一隻。肉四觔。魚二尾。一品官每日鵝一隻。肉三觔。魚二尾。

二品官。每日雞一隻。肉三觔。魚二尾。三品官。每日肉三觔。魚一尾。四品五品官。每日肉二觔。六品七品官。每日肉一觔。無頂帶之人。每日給鹽一兩。

右俱會典

以上俱進貢賞賚

崇德八年四月己卯。分覺羅次序。各

賜銀緞馬匹有差。

太宗實錄

右

順治二年題准。覺羅幼丁。每戶月給銀二兩。

右會典

順治五年七月庚辰。以宗室貧乏。

賜公瓦克達白金六千兩。固山貝子尙善。公喀爾楚渾。各五千兩。公拜尹圖。鞏阿岱。錫翰。蘇布圖。扎哈。納努賽。富喇塔。杜爾祜。穆爾祜。特爾祜。杜倫薩。弼顧爾瑪洪。及宗人巴爾楚渾。巴思翰。胡世巴。篇古。各三千兩。莊田各一所。德麻濩。一千兩。

世祖實錄

右

順治十三年議准。宗室內無人承襲者。郡王妃。歲給銀一千五百兩。貝勒夫人。歲給銀八百兩。

貝子夫人。歲給銀五百兩。米隨銀支給。公將軍夫人。給伊夫俸祿銀米之半。

十五年議准。宗室如夫人等孀居者。支給半俸銀米一年。

右俱會典

康熙十年二月乙巳。

諭宗人府。凡覺羅中。行輩最長。年七十以上者。具以名聞。於是宗人府開列覺羅卓班等四人。奏入。皆召見乾清門。各賜銀兩緞疋。及朝衣一襲。

聖祖實錄

康熙十年題准。無品級閒散宗室。年至十八歲者。准於披甲額數外。令其披甲。照披甲例。支給銀米。至無父幼子。亦照此例。給銀米贍養。

二十年題定。閒散宗室。免其披甲。仍照例支給銀米。

二十二年題定。閒散宗室。十五歲以上。及未滿歲之無父幼子。俱照拖沙喇哈番品級。給與俸祿。其革職之閒散宗室。不准給與。若緣罪被革將軍等。乞恩贍養者。具呈宗人府。察明奏請。月給銀四兩。

三十二年。

諭宗室原一本所生。理應雍睦矜恤。今閒散宗室有甚貧者。遇婚喪之事。每至稱貸積債。嗣後王以下。閒散宗室以上。有力者。於貧乏宗室。著隨分贍給。

三十四年題奏。閒散宗室。至十五歲。照定例。俱給拖沙喇哈番俸。奉

旨。閒散宗室。嗣後至二十歲。再奏給俸。

三十九年。

諭宗室覺羅等之女。有願與朕養者。朕養而教之。並有女年已長。其父母不能遣嫁者。朕亦代為嫁之。著查

明奏聞。

四十一年題奏。宗室周急銀兩。未限定數。請令親王以下。閒散宗室以上。計其力之多寡。限以定數。於貧乏宗室有益。奉

旨。宗室豈可迫令幫湊。朕意欲爾衙門照借戶部八年銀例。擇賢能官員。滋生利息。算給宗室婚喪之費。著即議奏。遵

旨。議准。宗室婚喪二禮。從戶部支領本銀六萬兩。在該衙門酌量借放。以每兩一分生息。所生利銀賞給宗室。婚禮六十兩。喪禮八十兩。所領戶部銀

八旗通志 卷五十四
三年中暫停交還。俟第四年並前三年銀陸續
交納。至八年全完。所餘利銀數目奏

聞。仍作本銀滋生。卽用本衙門閒房立庫。派賢能官
員掌管。其看守官兵及所需器物。俱於各該管
處取用。

四十二年題准。裁革閒散宗室所食品級俸祿。
給與披甲銀米。

五十二年。

詔王以下宗室覺羅十五歲以上。俱加恩賜著各都統
查明數目送部。

五十五年定宗室婚喪二事。各加給銀四兩。
右俱會典

以上俱宗室賞賚

八旗通志初集卷之五十五

典禮志六

八旗祀典一

太廟配享 王公 堂子祀典
王府廟祀 紅衣發貢神祀
典 功臣廟祀一

東廡

配位自北起

多羅通達郡王

順治十一年設位配享

武功郡王

武功郡王妃

崇德元年設位配享

多羅惠哲郡王

多羅惠哲郡王妃

順治十一年設位配享

多羅宣獻郡王

多羅宣獻郡王妃

順治十一年設位配享

西廡

配位自北起

直義公費英東 崇德元年設位配享

弘毅公額亦都 崇德元年設位配享

武勳王楊古利 順治元年設位配享

忠義公圖爾格 順治九年設位配享

昭勳公圖賴 順治九年設位配享

文襄公圖海 雍正二年設位配享

右會典

崇德元年四月。以功臣費英東。額亦都。木牌入

太廟。費英東位側左。額亦都位側右。陳設祭物畢。讀祝

官入內傍立。先宣追贈費英東祝文。其文曰。維

大清崇德元年。歲次丙子。四月十有二日。

寬溫仁聖皇帝諭祭功臣費英東之靈曰。偉烈懋昭。贊

經綸於肇迹。榮封特晉。光俎豆於千秋。爾費英東佐

我

皇考。正直報効。竭盡忠義。雖受寵渥於生前。尤宜褒榮

於身後。今特贈爾為直義公。配享

太廟。永垂令譽。次宣追贈額亦都祝文。其文曰。

寬溫仁聖皇帝諭祭功臣額亦都之靈曰。偉烈懋昭。贊

經綸於肇迹。榮封特晉。光俎豆於千秋。爾額亦都佐

我

皇考。勇力軼羣。殊勲丕著。雖受寵渥於生前。更欲褒榮於身後。今特贈爾爲弘毅公。配享。

太廟。永垂令譽。讀畢。捧帛。捧爵。官各捧帛爵。讀祝。官捧祝文。自中階下西行。至西側燔燎所。焚祝帛。奠酒。於是撤。

太祖

太后神位前祭物。撤畢。遂撤直義公弘毅公祭物。自側下階。至燔燎所。傍焚祝帛。奠酒。

太宗實錄

右

順治九年。以忠義公圖爾格。昭勲公圖賴入。

廟配享。前期一日。祭告。

太廟。遣大臣一員行禮。

雍正二年正月。以文襄公圖海入。

廟配享。前期一日。遣大臣一員祭告。

太廟。

右俱會典

以上

太廟配享

凡月朔致祭。崇德元年定。每月朔一日。親王以下。貝子以上。每府派一人。齋戒一日。詣

堂子供獻。

凡

堂子春秋二季立竿致祭。崇德元年定。親王。郡王。貝勒。每家各祭三竿。貝子。鎮國公。輔國公。每家各祭二竿。鎮國輔國奉國將軍。每家各祭一竿。不祭者聽。其無爵宗室不祭。其每月致祭日期。初一日。

大內致祭。初二日以後。親王。郡王。貝勒。各以次輪一日致祭。各府應祭之日。若遇

大內致祭。則應祭之家停祭。貝子。公等。依次致祭。凡祭三竿之家。於定期內各祭一竿。過十一日。後。再各祭一竿。或致祭日有兩三家同祀神者。仍依次俟應先祭之家祭畢。次祭之家方祭。如諸王貝勒。於定期致祭之日。有事不得祭。預期知會禮部。令次祭之家致祭。其有事者隨便補祭。凡爲馬羣致祭者。親王以下。輔國公以上。許祭。鎮國將軍以下。不許祭。有違例多祭。併爭祀神者。議處。凡官員庶民等。設立

堂子致祭者。永行停止。

康熙二年定。親王立竿致祭之期。第一康親王

府。第二顯親王府。第三莊親王府。第四安親王府。第五裕親王府。第六簡親王府。

四年定。郡王立竿致祭之期。第一溫郡王府。第二惠郡王府。第三信郡王府。第四平郡王府。第五順承郡王府。

凡掛錢。崇德六年定。每年元旦早。親王以下。貝勒以上。赴

堂子掛紙錢。貝子以下不掛。

今郡王以上掛紙錢。貝勒以下不掛。

右俱會典。

以上王公

堂子祀典

崇德元年定。宗室封王者。立家廟致祭。

順治五年定。宗室封王無嗣者。

太廟祔祭。有嗣者。令其子孫立家廟致祭。

十年定。郡王以上。祀追封祖父於家廟。貝勒以下。祀追封祖父於墳墓。

一建廟。莊親王立一廟。禮親王。巽親王。謙郡王。

共立一廟。肅親王立一廟。饒餘郡王。端重親王。

共立一廟。穎親王。順承郡王。共立一廟。豫郡王。

立一廟。克勤郡王。衍禧郡王。共立一廟。

一祭期。定於正月。四月。七月。十月。歲暮日。前期三日齋戒。候

皇帝祭

太廟。諸王陪祭禮畢。各回府致祭。凡有薦新品物。如太廟未獻之先。不許家廟供獻。

一廟制。正殿五間。臺基高二尺一寸。院內東廂房三間。貯祭器及祭獻等項。西廂房三間。貯樂器。臺基俱高一尺六寸。大門三間。臺基高一尺六寸。院內西旁門一座。院內東旁設焚帛爐一座。大門外西旁設宰牲房三間。其正殿廂房。大門俱五色彩畫花草。上用綠瑠璃瓦。殿門牆外用紅土。內用石灰。院牆用紅土。綠瓦蓋頂。帛爐亦用綠瓦。

一牌位。高二尺。寬四寸。朱紅色。上刻追封諡號。墨書。設於紅油漆龕內。設紅片金帳幔。其廟中王位。以居中爲尊。餘分列左右。如止一王。正設中間。

一供品。每位前設紅案一。銅香爐一。銅燭臺二。銅花瓶二。供湯飯菓品。紅案一。盛帛紅漆匣一。供牲槽一。白磁爵六。銀鑲象筯二雙。銀匙二。香

盒一。酒尊一。銀壺一。銀杓一。白色帛二端。無妃者。止用帛一。爵三。匙一。筯一雙。獻帛紅案一。祭文案一。每王一位。用豕一。羊一。菓品八盤。麵餅四盤。飯二碗。湯二碗。所用樂器。與王府樂器同。一致祭前三日。王及子弟護衛所屬官員。執事人等。妃及隨從婦女。俱各齋戒。前一日備辦祭品宰牲。祭日於神位前供祭品。大門兩旁設鼓樂畢。王率子弟護衛所屬官員。俱朝服。從廟大門東旁門進。至廟東簷下向西立。子弟在堦上向西立。護衛及所屬官員。在堦下分班對立。執香盒人詣香案旁立。引禮人引王從廟左門進。至香案前立。子弟護衛所屬官員。各依本位向上排立。引禮人贊跪。王跪。贊上香。執香盒人跪進香。王接炷香拱舉上爐內。又三上瓣香。如左右有王位者。先詣左位。次至右位。次第上香畢。復位立。引禮人贊跪。叩興。門外作樂。王行二跪六叩頭禮。興。子弟護衛所屬官員。俱隨行禮畢。樂止。引禮人贊奠帛。初獻。樂作。執帛爵官捧爵。爵在王左跪。接帛爵官。在王右跪。引禮人贊跪。王跪。受帛拱舉。授右接帛官。王又受爵拱舉。授

右接爵官。王又受妃位前爵拱舉授右接爵官。各官捧帛在前。爵在後。至位前。捧帛官跪獻。三叩頭。捧爵官立獻。各退。樂止。如兩旁有王位。護衛捧帛酒分獻。引禮人贊興。王興。讀祝人於祝文案前一跪三叩頭。捧祝文在案東立。引禮人贊跪。王及子弟護衛所屬官員并讀祝人皆跪。引禮人贊讀祝。讀畢。讀祝人捧祝文送至中位前。跪獻於帛匣內。三叩頭退。引禮人贊叩興。王等俱行三叩頭禮。興。引禮人贊亞獻。樂作。獻爵如初獻儀。樂止。引禮人贊終獻。樂作。獻爵如亞

獻儀。樂止。引禮人贊跪。叩興。樂作。王率子弟護衛及所屬官員行二跪六叩頭禮。畢。興。樂止。引禮人贊捧祝帛詣燎爐前。樂作。捧祝帛官進前。一跪三叩頭。各捧祝帛興。捧香官跪取香置盒內。興。王率子弟等俱退在西旁立。各官捧祝文在前。次帛。次香。俱從中道行至爐前。焚祝帛。贊禮畢。王等皆出。樂止。妃率隨從婦女俱朝服從西旁門入。由廟右門進。排立行禮。畢。撤祭物回。如王有事。不得親祭。令子弟代祭。如無子弟。令護衛代祭。其奠帛祭品。該王自行備辦。引禮人

於所屬官員內選充其祝文內院撰給體式。十年又議准諸王皆在京師離墳塋相近隨時親詣致祭其京城內各立家廟致祭俱令停止。右俱會典

以上王府廟祀

順治間定每年九月初一日祭

紅衣發貢之神。

致祭禮儀。

一前期太常寺題請遣八旗都統一員行禮。

一祝版用白紙墨書前期一日捧祝官一員前

捧列御仗一對太常寺官隨至祭所安設紅案

上。上香捧祝官一跪三叩頭退。

一祭日八旗排設

紅衣發貢礮八處每旗爲一壇。

用白磁爵三

羊一

豕一

酒二尊

關帝軍牙六燾城隍土地馬王五火火速紙馬各一分。

是日承祭官於八旗正中行禮八旗陪祀都統以下各官俱於本旗處隨承祭官行禮俱常服。

其迎

神。上香奠爵。讀祝送

神。望燎。一應禮儀。俱與

關帝廟行禮同。

祝文

維

年歲次

月

日

皇帝遣

致祭於

紅衣發貢之神曰。惟

神欽

天命而無私。助揚威武。有功國家。茲當季秋之日。崇

牲醴。遣官致祭。

神其鑒之。尚

饗。

關帝廟行禮。附載於後。

一祭日。陳設畢。教坊司作樂。贊引官對引官。引

承祭官進左旁門。至盥洗所。盥洗畢。引至殿內

行禮處立。典儀唱執事官各司其事。贊引官贊

就位。承祭官就位立。典儀唱迎

神。司香官捧香盒跪於爐左。贊引官引承祭官至

爐前立。贊上香。承祭官上炷香於爐內。又三上

八旗通志 卷五十五
辨香畢。贊引官贊復位。承祭官復位立。贊引官贊跪。叩。興。承祭官行三跪九叩頭禮。興。典儀唱奠帛。行初獻禮。捧帛官跪獻畢。行三叩頭禮。退。執爵官立獻爵於案上正中。退。讀祝官至祝案前。一跪三叩頭。捧祝文立。贊引官贊跪。承祭官讀祝官俱跪。贊引官贊讀祝。讀祝官讀畢。興。捧至案前跪。安帛匣上。三叩頭。退。贊引官贊叩。興。承祭官行三叩頭禮。興。典儀唱行亞獻禮。執爵官獻爵。如初獻儀。獻於案左。退。典儀唱行終獻禮。執爵官獻爵。如亞獻儀。獻於案右。退。典儀唱

送

神。贊引官贊跪。叩。興。承祭官行三跪九叩頭禮。興。典儀唱捧祝帛。恭詣燎爐。捧祝帛官至。

神位前。一跪三叩頭。捧起祝帛。司香官跪捧。不叩。承祭官避立西旁。俟祝帛過。仍復位立。贊引官贊詣望燎位。承祭官至燎所。祝帛焚半。贊引官贊禮畢。各退。

右俱會典

以上

紅衣發貢神祀典

孔武壯王祠

順治十一年。

勅建定南武壯王祠。每年二月八月致祭。遣太常寺堂

官行禮。

致祭禮儀

一祝版。白紙墨書。前一日。太常寺堂官捧送至
祠堂。安設紅案上。上香。一跪三叩頭。退。

一陳設供品

素帛三白色。

白錫爵九

羊一

豕一

菓品五。

核桃。荔枝。圓眼。棗。栗。各一盤。

酒一尊

一正祭日。上香。奠帛。爵。讀祝。望燎等儀。與火神

廟同。遣祭官行二跪六叩頭禮。

按火神廟行禮。與關帝廟同。

祭文

維

年歲次

月

日

皇帝遣

諭祭於定南武壯王孔有德之靈曰。人臣盡忠仗節。

矢天日而不渝。朝廷恤死酬勲。撫歲時而增感。爾

定南武壯王孔有德。膚功早著。偉烈長存。茲當仲

之辰。益念忠良之績。特頒祭典。用慰幽靈。王如

春秋

有知。尚克歆饗。

鈕呼祿氏恪僖公祠

康熙十九年。

勅建恪僖公祠。每年二月八月致祭。遣太常寺堂官行

禮。

致祭禮儀

一祝版。白紙墨書。前一日。太常寺官捧送至祠堂。安設紅案上。上香。一跪三叩頭退。

一陳設供品

素帛三

白

白錫爵九

羊一

豕一

菓品五

核桃。荔枝。圓眼。棗。栗。各一盤。

酒一尊

一正祭日。上香。奠帛。爵。讀祝。望燎等儀。遣祭官行禮。俱與武壯王同。

祭文

維

年歲次

月

日

皇帝遣

諭祭於恪僖公。遏必隆之靈曰。沛隆恩於勲舊。國有彝章。展時祭於春秋。禮踰常格。爾恪僖公。遏必隆。名垂青簡。績著豐碑。矧追椒寢於所生。宜薦專祠。

以有永。茲當春秋仲。申侑几筵。靈如有知。尙克歆饗。
佟氏勤襄公忠勇公端純公祠

雍正二年。

勅建勤襄公忠勇公端純公祠。每年二月八月致祭。遣

太常寺堂官行禮。

致祭禮儀

一祝版。白紙墨書。前一日。太常寺官捧送至祠
堂。安設紅案上。上香。一跪三叩頭。退。

一陳設供品三案。

素帛七白色。

白錫爵二十一

羊三

豕三

菓品五

核桃。荔枝。圓眼。棗。栗。各三盤。

酒三尊

一正祭日。上香奠帛爵。讀祝。望燎等儀。遣祭官
行禮。俱與武壯王同。

祭文

維

年歲次

月

日

皇帝遣

諭祭於勤襄公佟圖賴。忠勇公佟國綱。端純公佟國

維之靈日。崇功報德。禮首逮於元臣。錫類推恩。誼

尤敦於懿戚。考彝章而立廟。因時序以薦觴。惟爾

一門宣猷累葉。効忠貞而體國。名著旂常。秉孝義以型家。芳傳國史。望高閭閻。蔚為勲舊之宗。慶衍庭幃。光啓

聖慈之範。茲當春秋仲。特遣耑官設奠几筵。靈其歆饗。

圖文襄公祠

雍正二年。

勅建文襄公祠。每年二月八月致祭。遣太常寺堂官行禮。

致祭禮儀

一祝版。白紙墨書。前一日。太常寺官捧送至祠

堂。安設紅案上。上香。一跪三叩頭。退。

一陳設供品

素帛二白色。

白錫爵六

羊一

豕一

菓品五

核桃。荔枝。圓眼。棗。栗。各一盤。

酒一尊

一正祭日。上香。奠帛。爵。讀祝。望燎等儀。遣祭官行禮。俱與武壯王同。

祭文

維

年歲次

月

日

皇帝遣

諭祭於文襄公圖海之靈曰。義重酬勲。眷鈞衡之舊德。禮隆秩祀。因節序以申恩。爾文襄公圖海。望高國器。功贊王猷。表世德於戟門。生膺弗祿。贈崇階於鼎爵。歿被榮名。煥新綍而建祠。遣專官而致祭。時當春秋仲。式布几筵。靈其有知。尙能歆格。表獎忠勲祠

雍正二年

諭朕惟周禮有司勲之官。凡有功者。書銘太常。祭於大烝。祭法曰。以死勤事則祀之。所以崇德報功。風勵忠節也。我

太祖高皇帝肇造鴻圖。

太宗文皇帝式廓區夏。

世祖章皇帝奄有萬邦。自創業以至定鼎。將帥之臣。致命立功者不少。

聖祖仁皇帝臨御六十一年。中間殲滅三逆。永清朔漠。以及平定西藏臺灣。雖天戈所指。如疾風振槁。而師旅臣之捐軀馬革。及守土官之見危授命者。所在多有。邇者青海蕩平。西域效順。然自用兵以來。將士奮勇前驅。亦有歿於行陣者。此皆盡忠報國之臣。朕甚嘉之。亦甚憫之。當於京城建廟立祠。春秋妥侑。世世

血食。其偏裨士卒。力戰敵愾。捨生取義者。亦附列左右。以褒崇大節。揚表芳徽。俾遠近觀聽。勃然生忠義之心。於治道亦有裨益。遵

旨議准。兵部詳查檔案。行文八旗直省巡撫。凡臨陣捐軀。守土授命之文武諸臣。及偏裨士卒。赤心報國。奮不顧身者。詳繕籍貫事績具奏。交工部於京城內建立祠宇。製造牌位。恭請

欽定匾額懸掛。將文武諸臣牌位安設正祠。偏裨士卒牌位安設兩廡。入祠之日。太常寺前期奏請遣大臣一員致祭。祭文由翰林院撰擬。每年春秋二季。交太常寺備辦。仍交翰林院分派各員。詳查

實錄國史方畧各館檔案。移取兵部清冊。各爲立傳彙成一編。垂諸永久。

是年

欽定祠名表獎忠勲。

御書匾額給賜。

右俱會典

表獎忠勲祠八旗文武諸臣爵位姓名上

前殿正龕

設位俱
南面

敬謹莊親王尼堪

英誠武勳王坦古利

武壯 王引有德

武襄 公巴爾堪

東次龕以下俱按旗分編次。

鑲黃旗共一百七十一人。

贈太師一等公 諡忠烈 佟養正

贈太傅一等公 女北將軍 諡忠勇 佟國綱

散秩大臣一等 公達福

一等侯 諡襄武 得功

贈三等侯一等伯 巴什泰

贈太子少保兵部尚書福建總督 諡忠貞 范承

謨 以上設位 東次龕

禮部侍郎護軍統領二等阿達哈哈番朝哈爾

贈三等精奇尼哈番前鋒統領圖魯錫

贈禮部尚書鹽運使 諡忠烈 高天爵 以上設位 西次龕

刑部侍郎副都統那爾特

副都統一等阿思哈尼哈番盧錫

副都統一等阿達哈哈番多頗羅

贈三等阿達哈哈番副都統阿什圖

贈拜他喇布勒哈番副都統巴雅思虎朗

副都統錫密賚 副都統戴豪

副都統常祿 以上設位
東二次龕

甘肅巡撫贈右副都御史張文衡 設位西
二次龕

一等精奇尼哈番覺羅莫洛渾

二等精奇尼哈番覺羅顧納岱

三等阿達哈哈番總兵官劉良臣

二等精奇尼哈番拜三

一等阿思哈尼哈番路什 以上設位
西稍龕

三等阿思哈尼哈番覺羅拜

三等阿思哈尼哈番 維希

贈太常寺卿按察使 同按察使李興元

三等阿思哈尼哈番一等侍衛色楞

贈拖沙喇哈番護軍叅領色爾濟

贈拖沙喇哈番護軍叅領邁蘭

贈拖沙喇哈番一等侍衛覺羅努赫勒

二等侍衛布代

護軍叅領阿哈尼堪 以上設位
後殿明間

一等阿達哈哈番叅領龔袞

一等阿達哈哈番叅領裴應虎

贈一等阿達哈哈番護軍叅領吳沙

卡倫二等侍衛德明

贈拖沙喇哈番護軍叅領阿爾賽

贈拖沙喇哈番叅領楊廷瑜

護軍叅領碩岱

二等阿達哈哈番協領舒恕以上設位後殿左次間

三等阿達哈哈番護軍叅領丹岱

二等阿達哈哈番拜海

二等阿達哈哈番張思孟

二等阿達哈哈番胡密色

贈拖沙喇哈番一等侍衛護軍叅領博洛

贈拖沙喇哈番護軍叅領常武

三等阿達哈哈番和託

拖沙喇哈番贈三等阿達哈哈番吳庫

叅將贈副將管一舉以上設位後殿右次間

二等侍衛兼佐領貴富

二等侍衛阿達海

贈三等阿達哈哈番拜他喇布勒哈番巴希

拜他喇布勒哈番覺羅阿鼐

贈拖沙喇哈番王宣以上設位後殿左稍間

二等阿達哈哈番王承恩

贈三等阿達哈哈番護軍叅領胡世塔

贈拜他喇布勒哈番前鋒校嵩夏

拜他喇布勒哈番竇成傑

贈拜他喇布勒哈番佐領郎圖

以上設位東配殿明間

拜他喇布勒哈番佐領崔應泰

拜他喇布勒哈番阿布拉庫

拜他喇布勒哈番喇都渾

贈拖沙喇哈番四品官喀士奇

以上設位東配殿左次間

贈拜他喇布勒哈番巴琳

贈拖沙喇哈番二等待衛貴富

贈拖沙喇哈番佐領拜桑武

贈拖沙喇哈番佐領多博

贈拖沙喇哈番佐領巴特瑪

贈拖沙喇哈番佐領高爾瞻

二等待衛諾里爾達

以上設位東配殿右次間

贈拜他喇布勒哈番拖沙喇哈番吳穆都

贈拜他喇布勒哈番扎叟爾額布亨

贈拜他喇布勒哈番吳爾格

贈拖沙喇哈番二等待衛勒特錫

以上設位西配殿明間

贈拜他喇布勒哈番二等侍衛克什德

贈拜他喇布勒哈番拖沙喇哈番托紐

贈拜他喇布勒哈番佐領海納

贈拜他喇布勒哈番殷晉

贈拜他喇布勒哈番巴圖

贈拜他喇布勒哈番覺羅阿來

四品官董重民

拜他喇布勒哈番傅進忠以上設位西配殿左次間

拜他喇布勒哈番贈拖沙喇哈番哈爾漢

贈拜他喇布勒哈番護軍楊靄

贈拜他喇布勒哈番守堡高守官

贈拖沙喇哈番佐領和碩氣拜都

佐領渾托和章京和托諾

三等侍衛莫海

贈拖沙喇哈番護軍校索爾敦以上設位西配殿右次間

右九十人俱南面。

贈拖沙喇哈番前鋒校瓦爾達

贈拖沙喇哈番護軍校薩哈達

贈拖沙喇哈番驍騎校巴喀里

贈拖沙喇哈番七品官邁圖

贈拖沙喇哈番領催氣蘭普

贈拖沙喇哈番護軍隋哈

拖沙喇哈番倭赫 以上設位東配樓明間

贈拖沙喇哈番員外郎圖魯錫

拖沙喇哈番牛紐

贈拖沙喇哈番護軍校哈穆海

贈拖沙喇哈番驍騎校顧楞額

贈拖沙喇哈番驍騎校馬喇希

贈拖沙喇哈番領催赫世亨

護軍校安達海 前鋒校李興

執事官道常 以上設位東配樓左次間

贈拖沙喇哈番員外郎薩哈連

贈拖沙喇哈番主事根泰

贈按察使司僉事知縣張必科

贈拖沙喇哈番防禦額爾隊

贈拖沙喇哈番驍騎校花色

贈拖沙喇哈番驍騎校羅漢

贈拖沙喇哈番驍騎校苟色

贈拖沙喇哈番驍騎校四格色

贈拖沙喇哈番七品官格克禮

贈拖沙喇哈番八品官關保

贈拖沙喇哈番馬孟格以上設位東配樓右次間

贈拖沙喇哈番三等侍衛巴郎

贈拖沙喇哈番護軍校尼哈里

贈拖沙喇哈番驍騎校阿岱

贈拖沙喇哈番護軍校楊舒

贈拖沙喇哈番七品官伊蘇

贈拖沙喇哈番長史道禪

贈拖沙喇哈番護軍色勒

署侍衛葉申額 長槍護軍校常存

護軍校安泰以上設位東配樓左二次間

贈拖沙喇哈番員外郎韓大任

贈拖沙喇哈番佐領李露

贈拖沙喇哈番護軍校薄斯和

贈拖沙喇哈番護軍校黑色

贈拖沙喇哈番驍騎校滕克

贈拖沙喇哈番八品官牛鈕

拖沙喇哈番伊達渾以上設位東配樓右二次間

右四十五人俱西向

贈拖沙喇哈番驍騎校莫爾庫勒

贈拖沙喇哈番七品官馬克三

贈拖沙喇哈番七品官鄂爾賽

贈拖沙喇哈番護軍校顧郎阿

贈拖沙喇哈番護軍博洛以上設位西配樓明間

六品官覺羅郭和禮 護軍校布齋

護軍校諾穆渾 護軍校祁穆禪

窩舖長哈寧阿以上設位西配樓左次間

贈七品官護軍覺和托

贈七品官護軍哈什庫

長槍護軍校額西特 烏鎗護軍校赫成

烏鎗驍騎校公格 長槍驍騎校巴圖

烏鎗護軍校達色

護軍校福壽以上設位西配樓右次間

護軍校西查布 驍騎校馬海

護軍校圖昉和 前鋒校艾圖

驍騎校李有功 護軍校柴達

驍騎校鄂岱 贈七品官前鋒薛達吮

護軍校阿鼐 筆帖式戴以上設位西配樓左稍間

贈國子監學錄范承譜

贈七品官前鋒老哥

監生祁熊嘉

閒散覺羅薩哈連

贈七品官護軍雅隆阿

以上設位西配樓口稍間

右三十五人俱東向

正黃旗共一百七十三人

三等伯副都統議政大臣穆和琳

副將軍尚書查弼納

叅贊大臣內大臣馬爾薩

以上設位東次龕

叅贊大臣副都統蘇圖

贈工部左侍郎護軍叅領弗揚古

侍郎永國

以上設位西次龕

贈一等阿達哈哈番副都統魏正

贈三等阿達哈哈番副都統覺羅阿克善

贈拜他喇布勒哈番副都統阿喀倪

贈拜他喇布勒哈番副都統吉三

以上設位東二次龕

三等精奇尼哈番巴賴都爾莽鼐

設位西稍龕

三等阿思哈尼哈番奇塔特魏正

三等阿思哈尼哈番羅立

三等阿思哈尼哈番察渾

三等阿思哈尼哈番伊爾格德

三等阿思哈尼哈番阿哈丹

八旗通志 卷五十五
三等阿思哈尼哈番護軍叅領噶爾都

三等阿思哈尼哈番護軍叅領阿喇密

贈三等阿思哈尼哈番佐領納海

贈拜他喇布勒哈番一等侍衛納穆桑額

贈拖沙喇哈番護軍叅領費揚武

贈拖沙喇哈番護軍叅領額森泰

贈拖沙喇哈番護軍叅領喀什泰

贈拖沙喇哈番護軍叅領趙繼善以上設位後殿明間

一等阿達哈哈番額爾濟亘

一等阿達哈哈番阿思朗

贈拜他喇布勒哈番前鋒叅領吳納海

贈拜他喇布勒哈番護軍叅領吳達禪

拖沙喇哈番護軍叅領門岱

副護軍叅領蘇喇章京岳丹

副叅領兼叅領西喇爾岱

護軍叅領夸蘭大薩崇阿以上設位後殿左次龕

三等阿達哈哈番金玉和

三等阿達哈哈番張屯以上設位後殿右次龕

三等阿達哈哈番贈拖沙喇哈番巴圖

三等阿達哈哈番栢天儲

三等阿達哈哈番索寧

贈三等阿達哈哈番佐領泰星阿

贈拖沙喇哈番遊擊祁仁傑

武備院卿胡穆散 遊擊張大選

遊擊贈叅將李向日 叅將李向堯

都司完文元 以上設位後
殿左稍間

二等阿達哈哈番賽弼圖

贈三等阿達哈哈番佐領巴雅爾圖

二等阿達哈哈番阿爾休

二等阿達哈哈番邁圖

拜他喇布勒哈番台彌善

湖東道成大業 啓心郎邁圖

贈拜他喇布勒哈番護軍校葉臣

贈拜他喇布勒哈番根特 以上設位東
配殿明間

贈拜他喇布勒哈番佐領王自明

拖沙喇哈番贈拜他喇布勒哈番達蘭

拜他喇布勒哈番阿布拉庫

贈佐領護軍校章吉泰

贈拜他喇布勒哈番驍騎校富達禮

贈拜他喇布勒哈番前鋒校杜爾

贈拜他喇布勒哈番護軍海什尼

以上設位東配殿左次間

拜他喇布勒哈番贈拖沙喇哈番永貴

拜他喇布勒哈番塔爾海

拜他喇布勒哈番祖大眷

贈拜他喇布勒哈番佐領祖應元

贈拜他喇布勒哈番佐領費赫齊

贈拜他喇布勒哈番特庫尹

贈拜他喇布勒哈番護軍校和幾格禮

贈拖沙喇哈番佐領阿拉穆

贈拖沙喇哈番佐領章古

佐領齊賽

以上設位東配殿右次間

拜他喇布勒哈番特穆德克

拜他喇布勒哈番費雅柱

拜他喇布勒哈番八十

佐領阿紐

佐領燕都

贈拜他喇布勒哈番護軍校胡士屯

贈拜他喇布勒哈番伊什庫

贈拜他喇布勒哈番護軍校吉善

贈拜他喇布勒哈番阿什覃

以上設位西配殿明間

拜他喇布勒哈番贈拖沙喇哈番西奇納

拜他喇布勒哈番贈拖沙喇哈番張應鰲

拜他喇布勒哈番贈拖沙喇哈番胡紐

拜他喇布勒哈番佐領劉應舉

贈拜他喇布勒哈番車圖納

贈拖沙喇哈番佐領金世礪

贈拜他喇布勒哈番守備張鴻猷

佐領安車

半個佐領納爾泰

以上設位西配殿左次間

贈太僕寺卿監察御史劉顯名

贈光祿寺少卿崑嵐道徐淳

贈拜他喇布勒哈番佐領顧三

贈拜他喇布勒哈番前鋒鄂退

拜他喇布勒哈番索丹

佐領武岱

贈拜他喇布勒哈番阿海

贈拜他喇布勒哈番傅察

贈拖沙喇哈番驍騎校綽思啓

以上設位西配殿右次間

右九十七人俱南面。

前鋒統領定壽

贈三等阿達哈哈番巴雅爾圖

贈拖沙喇哈番前鋒校能額

贈拖沙喇哈番護軍校圖渾

贈拖沙喇哈番七品官薩郎阿

步軍校雅哈里

以上設位東配樓明間

員外郎訥能額

拖沙喇哈番李向舜

贈拖沙喇哈番三等侍衛吳丹

贈拖沙喇哈番護軍校德赫得

贈拖沙喇哈番護軍校烏喇岱

贈拖沙喇哈番護軍校古魯錫

贈拖沙喇哈番護軍校巴楞孫

贈拖沙喇哈番護軍校覺和托

贈拖沙喇哈番護軍校遼東

贈拖沙喇哈番護軍校和托

贈拖沙喇哈番驍騎校馬耳

贈拖沙喇哈番筆帖式穆祿

贈拖沙喇哈番筆帖式吳里善

贈拖沙喇哈番七品官莫都

防禦阿吉根

主事何溥

前鋒校阿林

前鋒校金泰

前鋒校騷達色

以上設位東配樓左次間

拖沙喇哈番阿布圖

贈拖沙喇哈番親軍校強謙

贈拖沙喇哈番驍騎校岳納

贈拖沙喇哈番驍騎校傅鼐

贈拖沙喇哈番驍騎校李天寵

贈拖沙喇哈番七品官都達禮

贈拖沙喇哈番八品官額勒布

贈拖沙喇哈番筆帖式穆爾泰

贈拖沙喇哈番領催邁圖

贈拖沙喇哈番護軍瓦音布以上設位東配樓右次間

拖沙喇哈番胡敏

贈拖沙喇哈番二等侍衛森特赫

贈拖沙喇哈番藍翎侍衛胡什布

贈拖沙喇哈番六品監生鄂佛和

贈拖沙喇哈番驍騎校舒寧阿

贈拖沙喇哈番驍騎校吳孫岱

贈拖沙喇哈番驍騎校朱轍

贈拖沙喇哈番八品官諾岱

贈拖沙喇哈番八品官法特哈

長槍護軍校哲爾布以上設位東配樓左二次間

贈拖沙喇哈番二等侍衛岱穆

贈拖沙喇哈番前鋒侍衛甲爾都

三等待衛博朔岱 員外郎岱蒙阿

贈拖沙喇哈番七品官張保柱

贈拖沙喇哈番八品官王世祿

贈拖沙喇哈番筆帖式雅圖

贈拖沙喇哈番驍騎校古達禮

贈拖沙喇哈番馬兵懷色 以上設位東配樓右二次間

右五十四人俱西向。

拖沙喇哈番邁圖 原任包衣大常明

贈按察使司僉事知縣李向禹

藍翎侍衛南岱

贈拖沙喇哈番護軍校色本

贈拖沙喇哈番驍騎校諾爾布

贈拖沙喇哈番七品官覺羅達林 以上設位西配樓明間

親軍校雅穆布

贈護軍校親軍博爾和圖 以上設位西配樓左次間

長槍護軍校額爾必赫

烏鎗驍騎校馬爾圖 烏鎗驍騎校沙納海

護軍校永順 以上設位西配樓右次間

驍騎校布爾賽

贈六品官護軍鄂佛和

贈七品官驍騎校保福 以上設位 左稍間

贈七品官前鋒克什 筆帖式舒穆魯

贈八品官領催葛色 八品官費揚武

贈八品官馬兵雅爾吉岱

贈八品官馬兵樊朝彥 以上設位 右稍間

右二十二人俱東向。

正白旗共一百六十九人。

一等伯都統諡武壯伊理布

贈一等伯都統巴都宜

額駙托桓

三等阿達哈哈番追封光祿大夫二等精奇尼

哈番兵部尚書都統博波圖 以上設位 東次龕

續順公沈瑞

叅贊大臣副都統海蘭 以上設位 西次龕

副都統白

副都統拖沙喇哈番邁圖

一等精奇尼哈番岱音布 以上設位 西二次龕

贈太子太保左都督總兵官諡忠愍費雅達 設位

東和 金龍

三等阿達哈哈番護軍統領新泰

三等阿達哈哈番總兵官郝効忠 以上設位 西稍龕

贈太僕寺卿知府黃廷栢

三等阿思哈尼哈番巴查爾

贈拖沙喇哈番副將尙志立

贈拖沙喇哈番護軍叅領倪什哈

護軍叅領達爾布 以上設位 後殿明間

一等阿達哈哈番叅領葉臣

二等阿達哈哈番叅領圖納

原任阿達哈哈番三等侍衛吳良阿

一等阿達哈哈番弼穆弼

一等阿達哈哈番齋三

二等阿達哈哈番護軍叅領諾爾布

二等阿達哈哈番佐領蘇喇章京部委叅領阿

穆虎郎

拖沙喇哈番叅領倪堪

護軍叅領莽色 護軍叅領色赫

護軍叅領西喇圖 前鋒叅領紅科

護軍校委護軍叅領部委叅領成根住 以上設位 後殿

左次
間

原任一等阿達哈哈番一等侍衛寶柱

一等阿達哈哈番護軍叅領巴杜

二等阿達哈哈番諾爾穆

三等阿達哈哈番薄博圖

贈三等阿達哈哈番護軍校哈爾巴

贈二等阿達哈哈番驍騎校賈龍阿

贈拜他喇布勒哈番叅領希佛

贈拖沙喇哈番護軍叅領通安

護軍校委護軍叅領蘇喇章京五海

護軍校委護軍叅領部委蘇喇章京濟蘭泰

降級叅領蘇喇章京偏圖以上設位後殿右次間

三等阿達哈哈番色勒布

拜他喇布勒哈番一等侍衛岱滾

贈拜他喇布勒哈番一等侍衛梅赫納以上設位後殿

左稍間

兵部郎中噶喇大圖郎阿

三等阿達哈哈番郝爾德

三等阿達哈哈番威赫

贈拜他喇布勒哈番護軍叅領多穆星阿

護軍叅領翁克

以上設位東
配殿明間

贈拜他喇布勒哈番侍讀孟色爾

拜他喇布勒哈番贈拖沙喇哈番趙國良

拜他喇布勒哈番贈拖沙喇哈番董廷伯

贈拜他喇布勒哈番三等侍衛噶思海

拖沙喇哈番贈拜他喇布勒哈番海祿渾

拜他喇布勒哈番贈拖沙喇哈番葛白庫

贈拜他喇布勒哈番佐領朱三

佐領張六

守備董廷儒

贈拜他喇布勒哈番閒散岱納

贈拜他喇布勒哈番六品官彥拜

拜他喇布勒哈番郭科

以上設位東
配殿左次間

贈拜他喇布勒哈番藍翎侍衛查魯查

贈拜他喇布勒哈番驍騎校查爾民

贈拜他喇布勒哈番護軍校胡世布

贈拖沙喇哈番張登雲

以上設位東
配殿右次間

拜他喇布勒哈番羅多禮

拜他喇布勒哈番馬祿

拖沙喇哈番贈拜他喇布勒哈番多里善

贈拜他喇布勒哈番前鋒瓦爾達

佐領弼雅達

守備董廷元

佐領外三

佐領努三

以上設位西
配殿明間

贈拜他喇布勒哈番親軍校鄂滿

拜他喇布勒哈番殷達護齊

拜他喇布勒哈番高可進

拜他喇布勒哈番索博多

佐領西特庫

以上設位西
配殿左次間

贈光祿大夫佐領佛義保

二等待衛哲勒爾德

贈拜他喇布勒哈番守備劉士英

協領孔額德

佐領活特

佐領薩爾泰

佐領阿特泰

佐領于國璉

拜他喇布勒哈番佐領錫翰

贈拖沙喇哈番佐領高傑

贈拖沙喇哈番護軍校齊蘭布

贈拜他喇布勒哈番護軍赫圖

以上設位西
配殿右次間

右九十人俱南面。

五品官韓登元

拖沙喇哈番沈珽

贈拖沙喇哈番閒散章京布思泰

贈拖沙喇哈番三等侍衛噶賴

贈拖沙喇哈番護軍校賽音達理

贈拖沙喇哈番護軍校甘他喀

贈拖沙喇哈番護軍校倪雅哈

贈拖沙喇哈番護軍校西桑阿

贈拖沙喇哈番前鋒校鄂爾布

贈拖沙喇哈番護軍校納開

贈拖沙喇哈番護軍六十以上設位東配樓明間

原任員外郎趙爾敦

贈拖沙喇哈番護軍叅領牛赫

贈拖沙喇哈番驍騎校阿哈倪

贈拖沙喇哈番前鋒校吳巴海

贈拖沙喇哈番七品官鄂思

贈拖沙喇哈番領催海通阿

驍騎校部委蘇喇章京英泰

前鋒校巴哈布以上設位東配樓左次間

贈拖沙喇哈番藍翎侍衛達爾底哈

贈拖沙喇哈番護軍校孔伊納

贈拖沙喇哈番前鋒校阿爾喀

贈拖沙喇哈番六品官外三

贈拖沙喇哈番拜音台柱 以上設位東配樓右次間

贈拖沙喇哈番護軍校達度護

贈拖沙喇哈番護軍校阿納布

贈拖沙喇哈番護軍校胡星阿

贈拖沙喇哈番護軍校艾塔

贈拖沙喇哈番護軍校誇達

贈拖沙喇哈番驍騎校哈禮

贈拖沙喇哈番七品官金柱

拖沙喇哈番吳喀納 長槍護軍校五昌阿

驍騎校六十五 護軍校海壽

翰林院筆帖式色德禮

翰林院八品筆帖式費揚阿 以上設位東配樓左二次間

贈拖沙喇哈番郎中伊成額

贈拖沙喇哈番員外郎滾泰

贈拖沙喇哈番筆帖式尼堪

贈拖沙喇哈番護軍校博爾吞

贈拖沙喇哈番護軍校巴蘭

贈拖沙喇哈番六品官舍格 以上設位東配樓右二次間

右四十三人俱西向。

二等侍衛額赫穆庫

贈拖沙喇哈番六品官殷達禮

贈拖沙喇哈番護軍校拉都

贈拖沙喇哈番護軍校內壘

護軍校雅布色
前鋒校阿寧阿

護軍校阿爾達
以上設位西
配樓明間

驍騎校喀爾哈納
原任護軍校狄爾求

護軍校瓦濟瑪
護軍校穆雅納

護軍校色爾敏
護軍校布達什

護軍校渾達善
驍騎校馬哈達

護軍校胡紐
驍騎校董克

驍騎校艾三
驍騎校屯岱

驍騎校俞珥
前鋒校南岱

護軍校胡章
以上設位西
配樓左次間

長槍護軍校石柱
長槍護軍校白達色

驍騎校阿蘭保
贈七品官護軍倪滿

贈七品官護軍安濟布

贈七品官護軍卓爾賀
以上設位西
配樓右次間

前鋒校海柱
護軍校八十

七品官恩圖
七品官森圖

七品官卓特巴
以上設位西
配樓左稍間

贈七品官前鋒哈爾庫

贈七品官護軍托達海

八品官賽音布

八品官馬爾翰

以上設位西配樓右稍間

右三十七人俱東向。



